

# Vun driveriver

---

erscheint auf [www.lenauheim.de](http://www.lenauheim.de)

monatliche  
Erscheinung

März 2022

von Helen Alba

## Em Virus de Garaus mache

De Vetter Pheder sitzt am Kichetisch un lest die „Banater Zeitung“. Iwerdem kummt sei Bäsl Leni in die Kich un trippelt hin un her. De Vetter Pheder schaut sei Weib groß vun owe nunerzus an un saat:

Pheder: Leni, was is los mit dir? Was hascht dich dann so ufgedunnert? Es is hellichter Werktach heit!

Leni: Werktach hin, Werktach her. Ich han des Gwand angezoo, weil du kunschtatiere sollscht, obs nit an mer rum schloddert.

Pheder: Gar nix schloddert, heekschtens dei Maulwerk!

Leni: Hascht awer ach for gar nix Aue. Gsiehst nit, dass ich abgemagert sin un des Gwand mer zu groß is?

Pheder: Abgemagert saascht? Ich kennt des nit behaupte. Doch will ich nit streite, vleicht hascht wirklich phaar Gramm wenicher wie sunscht. Saa mer liewer, wann du mit dem Gwand do ausgehn willscht.

Leni: Die Worschkoschtprob werd in dem Jahr in Lenauheim stattfinne. Un dorte will ich natierlich derbei sin un sogar uftrete!

*Sie geht bis naus un kummt mit eem alde Kupfer zuruck*

Pheder: Was jetz? Wuhin mit dem Pappedeckl-Kupfer? Der is jo schon uralt. Do lache dich jo die Leit aus.

Leni: Awer Pheder! Kennscht dann de Kupfer nimi?

*Bickt sich, macht de Kupfer uf un holt es Akkordeon raus*

Pheder: Was willscht jetz mit dem Akkordeon? Hascht ke Arweit. Johrelang hat des Inschtrument im Ecke gstan un ufmol gischt spillrich?

Leni: Pheder, ich muss doch iewe druf. Des is mei Iwerraschung for die Worschkoschtprob. Ich wer unsre Landsleit was spille un singe.

Pheder: Leni, loss die Fingre weg dervun. Du blamierst dich dorte.

Leni: Ich wer so lang iewe, bis alles wieder im Griff is. Dorte sin sicher Leit, die was vun Musich verstehn, des weeiß ich doch. Un wann ich dernewert greife sellt, des is anre a schon passiert. Also Pheder, du horchscht jetz zu un saascht mer dei Meinung dernoh!

Leni (*noh em erschte Lied*): Na? Wie wars?

Pheder: Des is e Lied, vun vor 50 Jahr. Selmols hascht mer des a gsung. For mich infange!

Leni: Red nit so gschwoll derher. Du bischt mer doch nohgerennt, bis die Schuhsohle abgeloff ware. Awer gut. Dann prowier ich was anres.

Pheder (*noh em zweite Lied*): Aso Leni, hascht mei Wort. Kannscht gehn wuhin du willscht. Un sellscht ach johrelang fortbleiwe, ich kumm leenich a zurecht.

Leni: Muscht dann immer dei Phefferkheere inwerfe? Han ich falsch gsung? Ich men, ich sin nit genuch nufkumm, des war zu hoch.

Pheder: Ich kann der jo die Steileeder bringe, do kannscht krawwle, so hoch du willscht.

*De Horsti kummt in die Kich*

Horsti: Was is dann do for Kumedi schon in aller Frieht?

Pheder: Dei Mutter hat sich in de Kopp gsetzt ufzutrete. Sie will uf uf Lenauheim zur Worschkoschtprob un dorte die Schwowe mit ihrem Geluddels iwerrasche!

Horsti: Des gelingt ihr mit Sicherheit Vater! Des is ke Geluddels! Des sin Old-Teimer!

Pheder: Asont, ich sin mol gespannt, ob die Iwerraschung hinhaue werd!